

کتاب طبر

اون بش کونده بر نشر اولنور دینی، علمی مجموعه اسلامیہ در

صاحب و مدیر مسئولی

ابو العلاء زین العابدین

تاریخ تاسیسی

۱۳۳۰

عدد: ۱۰ ۱۴ شوال سنه ۱۳۳۰ پنجشنبه ۱۳ ایلول ۱۳۲۸ برنجی جلد

تاریخ و مضامین :

یاد ماضی

— مابعد —

طالع حرب واقعا نتیجه ده بزه مساعد ظهور ایتمدیسه ده بتون جهانك معلومیدرکه عساكر عثمانیه عدد و قوتجه دشمندن بك نقصان بولندینی و داخلده انواع فساد غلیان ایلدیکی حالده حربك اکثر صفحاتنده ینه خصمك حمله لرینه دلیرانه مقاومت ایلمش وهله یلونه ملحمه کبراسنده روسار اول مرتبه قهر و تدمیر ایلدشار ایدی که اوزمان یلونه استحکاماتنك فاتحی اولق عزیمیه موقع حربك جوارینه قدر کلن روسیه ایمراطوری « خرسینانلق محو اولیور » فریادیه رومانیا پرئسنك لطفندن استمداد ایتمسی اوزرینه رومانیا عسکرلری یتیشامش اولایدیلر روسیه عسکرینك بتون بتون سر نهاده خاك هلاک اوله جنی محقق و بلکه ایمراطورك اسیر دوشمسی ده احتمال غالب ایدی .

بعدالحرب دولتین متخاصمین ارمه سنده آیاستفانوسده برمقاوله صلحیه عقد ایلدی . لکن بونك احکامی علی الاطلاق موقع اجزایه قونیه جق اولسه آوروپا موازنه عمومییه سی خللدار اوله رق روسیه منافعتك موضوع بولندینی کفه میزانك آغز باصه جنی شبهه سر اولدیفندن مقاوله نك صرف بوجهتی پیش نظره النهرق برلینده المانیا و آوستریا و فرانسه وانسکاتره وایتالیا و روسیه دولتری مرخصارندن مترکب و المانیا باش و کیلی پرنس بسمارقك ریاستی تحتند برقونفره تشکل ایتدی . قونفره ده دولت علیه طرفندن دخی علی الاصول مرخصار بولندیرلدیسه ده اثناء مکالمه ده بسمارق طرفندن تصریح ایلدیکی اوزره قونفره نك علت غائیة تشکلی دول مشارالهمك منافعی مدافعه دن عبارت اولدینی جهته دولت علیه نك منافع مخصوصه سنه دائر مرخصارینك افادات و مطالعاتنه احاله کوش اعتبار ایدنلر اولدی بسمارقك ارمه صره دائره تراکندن خروج ایله مرخصار منزه دفعاتله حقارت بیله ایتدیکی اولدی .

معروضات مشروحه من جلیاً نمایان اولدینی اوزره حرب حرص استیلادن نشأت
ایتمش و حقوق بین الامم قواعدنجه اهل حرب اولیانلره تعرض جائز دکل ایکن صبیان
ونسوانه وارنجهیه قدر اهایدن کیمی یوردلرندن سورلمش ، کیمی طعمه شمشیر غدر
ایلمش ، کیمی قاجه رق یوللرده انواع محن و آلام ایله تلف اولمش ، کیمی حقننده عرض
و ناموسجه ایلمدک فضاحت بر اقلماش ، کیمی دیار غریبده سفیل و سرگردان قلمش
و دولت عثمانیه حسب المقاوله هر سنه ولایات مخصوصه واردات معینه سندن اوچوز اللی
بیک لیره تأدیه ایتمک اوزره قرق میلیون لیره تضمینات حربیه اعطاسنده مجبور قلمش
ایدی ، حال بویله ایکن ذکر اولنان قونفره احکام و تفرعاتندن اوله رق بلاد عثمانیه ده
بریقمدار کیتدی . روسیه اناطولیده قارص ، اردهان ، بطوم و سائر جهاته استیلا ایله
برابر رومانیان استرداد ایلدیکی بسارایا قطعہ سی مقابلنده رومانیا طونه ولایتک دوبریجه
قطعہ جسیمه سنه مالک اولدی . بوعاطفت و سماحتدن قره طاغ ، صرب ، یونان ، حتی
ایران دخی حصه دار و بکام ایلدی .

المانیای آستریا مالککنده کی اون سکز میلیون قدر آلمانی کندیته الحاق ایله آوروپاده ناقابل
مقاومت بر قوه معظمه حالنه کلک ایچون اوتهدنبری آوستریایی ممالک عثمانیه ، سالنیکه طوغری
ایتمکی ، کندیسنکده شمالدن جنوبه قدر آوروپایی کوبکنندن کچهرک قوشاتنی اجل وظائف
عد ایلدیکندن بونهب و غارت آرسنده پرنس بسارک اتر دهاسی اوله رق ظاهرده
آوستریایی نمون ایتمک اوزره دولت مذکوریه هر سنک و بوسنه قطعہ سی کویا موقت
صورتیه استیلا ایتدیرلدی . [اخیراً آوستریانک قطعہ مذکوریه بتون بتون ضمیمه ممالکی
ایلدیکی معلوم] . دولتمک موقعه زو تنجه اک مهم واک معمور و مترقی برولاتی بولنان
اوقوس قوجه طونه ولایتک بقیه یله جوارندن اراضی تفریق اولنه رق بلغارستان نامیه
برامارت تشکیل قلندقدن بشقه ظاهرده دولت علیه نک طوغریدن طوغرییه حکومت
سیاسیه و عسکریه سی تحتنده وایتخنک یانی باشندده [روم ایلی شرقی] عنوانیه برده
برولایت ممتازه تأسیس اولنوب حقیقت حالده امارتک حدودی ادرنه ولایتک مرکزی
جوارینه قدر تمید و توسیع ایلدی . [اخیراً بلغارستان امارتی اعلان استقلال ایله روم
ایلی شرقی بتون بتون بلغارستانه الحاق ایلش اولدینغی سولیکه حاجت یوق] . رومانیای
صربستان ، قره طاغه استقلال و بریکله برابر مؤخرأ رومانیای صربستانده قاپیتولاسیون

رفع والفا اولندی . برلین قونفره سی احکامندن علیهنده بولنان موادک اجراسنه دولت علیه تهدیدات ایله اجبار ایدلشیکن قونفره احکامندن مستفید بولنانلره عائد اولوب دولتک لهنده بولنان جهتلرینک انفاذنده آوروپاک لاقیدانه بولنهرق اوجهتلر مهمل برافلدی . فرانسه تونس ، انکلتزه مصره صاحب چیقیدیلر . قبریس جزیره سنک اداره سنی شرائط معلومه ایله انکلتزه دولتنه دور ایتدکه دولت الحای زمان ایله مضطر قالدی . دولتک قلمرو حکومتنده قاپتولاسیون ادامه ایدلدیکی جهته ولایاتده اوزمانلر قونسولسارک تحکیماتی ارتدی . هرهب وغارتده بقیه ممالکک تادی استقلالنه تکفل ایدیله چکی وعدی بذل ایدیلور ایدی . مع مافیه اعجب العجابدیرکه هرعطیه خیالنواز عقبنده اکل موازنه دمدمه لرله دیگر برهب وغارته ایتدار اولنهرق دولتک باشنه یکی برضربه ده ایتدیریلور ایدی . داخلای رعایا وخارجا حکومت صغیره مواعد ومفاسد ایله تشویق وفکرلری تسمیم ایدیلهرک بونلر دولته عصیان وهجومدن برآن خالی قالمیدیلر . زیتون وقه سی ظور ایدوب دولت عاصیلرک تأدیننه قیام ایدنجه هرطرفده طوفان اعتراض قویدی . کریدده ولو صوری اولسون درمیان ایدیله بیله جک هیج برهانه معقول یوق ایکن اطهتک وقوعات واغتشاشاتی بتوب توکنمیدی . یونانه بالاحرب بونجه اراضی منبتنه ترک ایتدیرلش اولدینی حالده حرص وطمع کوزینی بوریه ریک برطاقم اراضی ده قایمق فکرله ایکی کره ممالک عثمانیه تخطی وتجاوز ایتدی اوزرینه دولت کسندینه حدینی بیلدیرمش وبومحاربه لر بونجه نفوس واموالک ضیاع وخسارینه بادی اولمش ایکن حق غالبیدن استفاده ایتدیرلمدکن بشقه کویا بز مغلوب اولمشجه سنه عقد اولنان معاهده ایله سائر آوروپا دولتلری تبعه سنه تأمین اولنان حق و امتیازاته مظار ایدلدی . ارمنیلر دولت متبوعه لر اوزرینه سلاح بدست اولهرق ایکی کره عصیان ایتدیرلدی . کریدده بغیر حق بونجه مسلمانلرک قانی دوکلدی . برطرفدن ارناودلک ، دیگر جهتدن سوریه ده دورزیرلک ایقلا نملرینه سبیل ایجاد اولندی . دها بوکی حد وحسابه کز القاآت ونحریکات ایله حضور و آرامش بلادک اخلالنه هر بار تصدی ایدلدیکندن حاجا القا اولنان آنشاری اطفا ایله مشغول بولنان دولته تصمیم ایتدیکی اصلاحاتی تمامیه موقع اجرایه قویه حق وقت برافلمدی . بونکله برابر دولت بری برینی متعاقب هجوم ایدن امواجک تلاطمی ارسنده کوز آچه بیلدیکه خیلی مواد نافع و برحق مکاتب تأسیسنه صرف همت ایتمش وبرطاقم قوانین ونظامات تدوین اولنقله

برابر عدلیه و ملکیه و عسکریه چه تشکیلات یا پلش ایسه ده بالطبع احوال و غوائل مشروح
اصول اداره نك آهنگ و انتظامی سخته دار ایلدیکندن مطلوب اولان تنسیقات تمامیه
سرزده ظهور اوله مامشدر .

بوسیلابه آتش فشانك قطع دوا می ایچون دست بردست وفاق اوله رق منابعی قورومتق
ایجاب ایدر . هجوم غایت ماهرانه و متأنیانه در ؛ قطعی تقدیم اولنان عضولر ایلک ابتدا
اقتصاد کبی نفوذ کبی مادی و معنوی اسباب ایله اویشدیریلیور ، صکره قطعنه مبادرت
ایدیلیور . اهل وطنده تجدید ایدن تشبثات مسلحانه اوزرینه برمدت کیری چکیلنیور .
برسکته خفیفه ایله توقف ایدیلیور . بواره لق ظاهرأ تقدیرات ، باطنأ تشویشات باشلايور .
بوتقدیرات ریاکارانه و تشویشات نفاقجویانه ارمسند اولاد وطن بری برینه دوشوریلهرك
داخلده حاصل اولان الوان خصومت و اغتشاش ایله آهنگ وحدته کوشكك کلدیکی برصره ده
دیگر برعضو ده کسبیلوب یغما ایدیلیور ، و هلم جرا . غریبدرکه بیان ایلدیکمز وجه ایله
ملکمزده ظهور ایدن همان کافه حادثات اغتشاشیه خارجدن قوبوب کلن ربخ صرصر افسادك
آثار تخریباتی اولدینی حالد بوناردن طولانی خارج زی ملکی حسن اداره ایده میوزر .
دیه اتهام ایدر ، بزده انلره کویا بیلمدکاری حقائق احوالی افهامه چالیشورز . وطن
مزمزمی هرطرفدن قوشاتمش اولان بومکاید و اعتراضدن قورتاره بیلمك ایچون چاره
یکانه فضیلت و عرفان ایله حرکت ایلک ، اکسکلکرمزی کوره رك جبرمافات اتمت اوزره
همان کندمزه چکی دوزن ویرمکدر . تفرعاعده کی اختلافلر اساسه تجاوز ایلدیکه اساسی
توهین دکل تقویه ایدر .

وطن عزیزده روسیه محاربه اخیره سندن صکره سنه لجه توالی ایدن ایشته بویه بر
آشوب و فتن باش کوسترمش اولدینی زمانك اوائلنه مصادف ایدی که بز عکادن درسعادته
عودت ایتشیدک .

برکت زاده اسماعیل حق

